



অবিলম্বে প্রকাশের উদ্দেশ্যে: 6/26/2022

গভর্নর ক্যাথি হোকল

**LGBTQ+ প্রাইড মাসের সম্মানে গভর্নর হোকলের আইন স্বাক্ষর এবং LGBTQ+ নিউ ইয়র্কবাসীদের আরো বেশি সহায়তা প্রদানের জন্য নিউ ইয়র্ক স্টেটের সংস্থাসমূহের ক্ষমতায়ন**

**ট্রান্সজেন্ডার কমিউনিটির জন্য সমতা গড়ে তোলার ঐতিহাসিক প্রচেষ্টার অংশ হিসেবে লোরেনা বোরজাস ট্রান্সজেন্ডার ওয়েলনেস এন্ড ইকুইটি ফান্ড প্রতিষ্ঠা করেছেন**

**লিঙ্গ অন্তর্ভুক্তিমূলক ব্যালট আইন স্বাক্ষর করে আইনে পরিণত করেছেন যা বাইনারি লিঙ্গের হিসেবে নিজের পরিচয় দেন না এমন ব্যক্তিদের পার্টির পদ লাভের জন্য প্রতিদ্বন্দ্বিতা করার সুযোগ করে দিয়েছে**

**গভর্নর হোকল কর্তৃক ক্ষমতায়নের ফলে স্টেটের সংস্থাগুলো নিউ ইয়র্ক স্টেট জুড়ে LGBTQ+ নিউ ইয়র্কবাসীদের অবস্থার উন্নতি করবে এমন কর্মসূচিগুলো প্রকাশ করেছে**

**জুন মাসের শেষ পর্যন্ত স্টেটের বিখ্যাত স্থানগুলো আলোকিত করা হবে**

গভর্নর ক্যাথি হোকল আজ LGBTQ+ প্রাইড মাসের সম্মানে তিনটি বিলে স্বাক্ষর করেছেন। S.8884-A/A.9418 আইনটি ট্রান্সজেন্ডার, লিঙ্গ নিশ্চিত না করা, এবং নন-বাইনারি কমিউনিটির জন্য অত্যন্ত গুরুত্বপূর্ণ পরিষেবা প্রদানকারী সংস্থাগুলোকে সহায়তা করার জন্য লোরেনা বোরজাস ট্রান্সজেন্ডার ওয়েলনেস এন্ড ইকুইটি ফান্ড (Lorena Borjas Transgender Wellness and Equity Fund) প্রতিষ্ঠা করেছে। S.6901-B/A.7933-C আইনটি নির্বাচিত ব্যক্তির বিভিন্ন লিঙ্গের হওয়া আবশ্যিক এমন নির্বাচিত পদগুলোর লিঙ্গ চিহ্নিত করার সম্ভাব্য অপশনের সঙ্গে নন-বাইনারি বুঝানোর জন্য X চিহ্ন যোগ করবে। এটি নন-বাইনারি নিউ ইয়র্কবাসীরা যাতে আমাদের গণতান্ত্রিক ব্যবস্থায় পুরোপুরিভাবে অংশগ্রহণ করতে পারেন সে বিষয়টি নিশ্চিত করবে। সেইসাথে, গভর্নর হোকল LGBTQ+ কমিউনিটির সঙ্গে আমাদের একাত্মতা প্রদর্শনের জন্য প্রাইড মাসের শেষ পর্যন্ত বিভিন্ন রাতে নিউ ইয়র্ক স্টেটের বিখ্যাত স্থানগুলো LGBTQ+ প্রাইড পতাকা ও ট্রান্সজেন্ডার পতাকার বিভিন্ন রঙের আলোয় আলোকিত করার জন্য নির্দেশ দিয়েছেন। এসব ঘোষণা 2023 অর্থবছরের প্রণীত বাজেটের অংশ হিসেবে [LGBTQ+ সমতার ক্ষেত্রে বড় ধরনের অগ্রগতিগুলোর](#) সঙ্গে যোগ হচ্ছে।

"নিউ ইয়র্ক হলো LGBTQ+ অধিকার আন্দোলনের জন্মস্থান এবং এটি সবসময় LGBTQ+ আমেরিকানদের জন্য সমতা ও ন্যায়বিচার এগিয়ে নেওয়ার ক্ষেত্রে নেতৃত্বের ভূমিকা পালন করে এসেছে, কিন্তু অন্যান্য স্টেটের নির্বাচিত কর্মকর্তারা সেসব অধিকার ছিনিয়ে নেওয়ার জন্য তাদের ক্ষমতাকে ব্যবহার করছেন," বলেছেন গভর্নর হোকল। "আজ আমি LGBTQ+ কমিউনিটির জন্য সমতা ও সাম্যতাকে আরো এগিয়ে নিয়ে যাবে এমন আইনে স্বাক্ষর করতে পেরে গর্বিত বোধ করছি। তহবিল প্রতিষ্ঠা করা এবং লিঙ্গ নিশ্চিত না করা ও নন-বাইনারি নিউ ইয়র্কবাসীদের সম্মুখীন হওয়া অসমতা মোকাবেলা করার মাধ্যমে, আমরা আমাদের স্টেটের সবার জন্য একটি নিরাপদ ও স্বস্তির স্থান হওয়ার বিষয়টি এবং সবার মতামত শোনা হচ্ছে সে বিষয়টি নিশ্চিত করতে পারি।"

**S.8884-A/A.9418 আইনটি** ট্রান্সজেন্ডার, লিঙ্গ নিশ্চিত না করা, নন-বাইনারি ও ইন্টারসেক্স (TGNCNBI) কমিউনিটির জন্য অত্যন্ত গুরুত্বপূর্ণ পরিষেবা প্রদানকারী সংস্থাগুলোকে সহায়তা করার জন্য লোরেনা বোরজাস ট্রান্সজেন্ডার ওয়েলনেস এন্ড ইকুইটি ফান্ড প্রতিষ্ঠা করেছে। 2023 অর্থবছরের বাজেটে সরাসরি স্বাস্থ্য পরিষেবা, সাংস্কৃতিক দক্ষতার শিক্ষা ও প্রশিক্ষণ, সংস্কারিত কর্মক্ষমতা গড়ে তোলা এবং ট্রান্সজেন্ডার ওয়েলনেস ইনিশিয়েটিভ ইত্যাদির মাধ্যমে LGBTQ+ কমিউনিটি এবং সেবা প্রদানকারীদের নেটওয়ার্ককে সহায়তা করার জন্য স্বাস্থ্য বিভাগের (Department of Health) জন্য 13.5 মিলিয়ন ডলার বরাদ্দ করা হয়েছে - যা গত অর্থবছরের তুলনায় 8 মিলিয়ন ডলার বেশি। এর মধ্যে আইনসভার তরফ থেকে আসা 1 মিলিয়ন ডলারের সঙ্গে অতিরিক্ত হিসেবে TGNCNBI কমিউনিটিকে সেবা দেওয়ার জন্য 2 মিলিয়ন ডলার অন্তর্ভুক্ত রয়েছে, যা এই বিলের উদ্দেশ্যের সাথে সঙ্গতিপূর্ণ। 2020 সালে কোভিডের সঙ্গে যুদ্ধে হেরে যাওয়া লোরেনা বোরজাস ছিলেন কুইন্সের একজন ট্রান্সজেন্ডার অধিকার সমর্থক যিনি ট্রান্সজেন্ডার অভিবাসীদের সহায়তা করার জন্য নিজের জীবনকে নিবেদিত করেছিলেন, যাদের মধ্যে অনেকেই তাদের নিজ দেশের ট্রান্সফোবিক শোষণ থেকে পালিয়ে এসেছিলেন। তিনি দারিদ্র্য, সেক্স ট্রাফিকিং, খাদ্য অনিরাপত্তা, ও অন্যান্য অসমতার শিকার হওয়া ট্রান্স মহিলাদের সাহায্য করেছেন। এই তহবিল প্রতিষ্ঠা করার মাধ্যমে আমাদের স্টেট লোরেনার রেখে যাওয়া ঐতিহ্যকে সামনে এগিয়ে নেবে।

**S.6901-B/A.7933-C আইনটি** রাজনৈতিক দলগুলোর জন্য বাইনারি লিঙ্গ দিয়ে নিজের পরিচয় দেন না এমন ব্যক্তিদের দলের বিভিন্ন পদে নির্বাচিত হওয়ার সুযোগ দেওয়ার জন্য দলের বিধিমালা পরিবর্তন করা আবশ্যিক করেছে। বর্তমানে, দলীয় বিধিমালা অনুযায়ী প্রার্থীদের জন্য মনোনয়ন চাওয়ার ক্ষেত্রে "পুরুষ" বা "মহিলা" নির্বাচন করা আবশ্যিক রয়েছে, যা নন-বাইনারি ব্যক্তিদের অন্তর্ভুক্ত করে না অথবা তারা নিজেদের লিঙ্গ হিসেবে পরিচয় দেন না এমন একটি লিঙ্গ নির্বাচন করতে তাদেরকে বাধ্য করে। এই ঐতিহাসিক আইন নন-বাইনারি নিউ ইয়র্কবাসীদেরকে আমাদের গণতান্ত্রিক ব্যবস্থায় পুরোপুরিভাবে অংশগ্রহণ করতে পারা নিশ্চিত করেছে, এবং স্টেটের রাজনৈতিক দলগুলো যাতে সত্যিকার অর্থেই স্টেটের বৈচিত্র্যপূর্ণ জনগোষ্ঠীর প্রতিফলন ঘটানোর সুযোগ পায় সে বিষয়টি নিশ্চিত করেছে।

**স্টেট সিনেটর ব্র্যাড হলিম্যান বলেন,** "গভর্নর হোকলের তরফ থেকে এই সময়ানুগ ও শক্তিশালী আইন প্যাকেজের মধ্য দিয়ে প্রাইড মাস সাড়ম্বরে শেষ হতে যাচ্ছে। লোরেনা বোরজাস ট্রান্সজেন্ডার এন্ড জেন্ডার নন-বাইনারি ওয়েলনেস এন্ড ইকুইটি ফান্ডকে আমাদের

স্টেটের আইনের একটি স্থায়ী অংশ হিসেবে লিপিবদ্ধ করার জন্য আমার বিলটি অন্তর্ভুক্ত হতে যাচ্ছে জেনে আমি সম্মানিত বোধ করছি। আমাদের স্টেটের সবচেয়ে ঝুঁকিপূর্ণ জনগোষ্ঠীকে আবাসন, মানসিক স্বাস্থ্য সংস্থান, এবং সাংস্কৃতিক উদ্যোগ সরবরাহ করার জন্য এবছরের বাজেটে স্টেট 3 মিলিয়ন ডলার বরাদ্দ করেছে। আজ আমরা জোরালো ও সুস্পষ্টভাবে জানিয়ে দিতে চাই যে দেশজুড়ে ট্রান্স শিশুদের উপর আক্রমণের এই সময়ে নিউ ইয়র্ক নিষ্ক্রিয় দর্শক হয়ে বসে থাকবে না। সমর্থকদের ও সিনেটের সংখ্যাগরিষ্ঠ অংশের নেতা স্টুয়ার্ট-কাজিস এর অসাধারণ প্রচেষ্টার ফলে নিউ ইয়র্ক সবসময় LGBTQ+ কমিউনিটির জন্য একটি নিরাপদ আশ্রয় হয়ে থাকবে।"

**স্টেট সিনেটর জেলনর মাইরি বলেন,** "সবাই যখন অংশগ্রহণ করতে পারে এবং অবদান রাখার সুযোগ পায় তখন আমাদের গণতন্ত্র সবচেয়ে শক্তিশালী হয়ে উঠে। অন্যান্য স্টেট যখন ট্রান্সজেন্ডার ও জেন্ডার ননবাইনারি ব্যক্তিদের বিরুদ্ধে বৈষম্য দেখিয়ে আইন পাশ করেছে, আমি গর্বিত যে নিউ ইয়র্ক প্রতিবন্ধকতাগুলো গুঁড়িয়ে দিচ্ছে যাতে যেকোনো ভোটারদের কাছে নিজেকে উপস্থাপন করতে পারে এবং কমিউনিটির সেবা করার সুযোগ লাভ করতে পারে। এই গুরুত্বপূর্ণ বিলটিকে আইনে পরিণত করতে স্বাক্ষর করায় গভর্নর হোকলকে ধন্যবাদ।"

**অ্যাসেম্বলি সদস্য ক্যাটালিনা ক্রুজ বলেন,** "প্রাইড মাসকে স্মরণ করার জন্য এবং আমার প্রিয় বন্ধু ও TGNCNBI জনগোষ্ঠীর সমর্থকের স্মৃতির প্রতি সম্মান দেখানোর জন্য লোরেনা বোরজাস ট্রান্সজেন্ডার ওয়েলনেস এন্ড ইকুইটি ফান্ডে স্বাক্ষর করার চেয়ে বড় উপায় আর কী হতে পারে। আমার হাউজে এই বিলটি উপস্থাপন করতে পেরে আমি সম্মানিত বোধ করছি, যেখানে এটি আইনসভার এই অধিবেশনে ব্যাপক সমর্থন পেয়ে পাশ হয়েছে। TGNCNBI জনগোষ্ঠী কর্মহীনতার উচ্চ হার, খাদ্য অনিরাপত্তা, মানসিক স্বাস্থ্য সংক্রান্ত উদ্বেগ, এবং অস্থিতিশীল আবাসন সহ ভয়াবহ সামাজিক বৈষম্যের শিকার হচ্ছে। কোভিড-19 সংকটের ফলে তৈরি হওয়া অর্থনৈতিক সংকট মহামারীর আগে থেকেই জীবন সংগ্রামে লিপ্ত TGNCNBI ব্যক্তিদের জন্য পরিস্থিতি বিশেষভাবে খারাপ করে তুলেছে। এই তহবিল শুধু TGNCNBI জনগোষ্ঠীর সহায়তা করার উপর জোর দেওয়ার জন্য পৃথকভাবে অর্থ সরিয়ে রাখার মাধ্যমে এসব চাহিদা পূরণের ব্যবস্থা করবে। আমি গভর্নরকে তার অংশীদারিত্বের জন্য এবং সেইসাথে এই তহবিলের জন্য বরাদ্দকৃত অর্থের পরিমাণ বৃদ্ধি করতে তার অঙ্গীকারাবদ্ধতার জন্য তাকে ধন্যবাদ জানাতে চাই। এছাড়াও আমি আমাদের সিনেট পৃষ্ঠপোষক ব্র্যাড হলিম্যানের প্রতি অত্যন্ত কৃতজ্ঞ, যিনি এই বিলটি আইন হিসেবে স্বাক্ষরিত হওয়ার উদ্দেশ্যে পাশ করার জন্য নিরলসভাবে লড়াই চালিয়ে গেছেন। সবশেষে, এই কেস নিয়ে যারা কয়েক দশক ধরে কাজ করে গেছেন এবং TGNCNBI জনগোষ্ঠীকে তাদের প্রাপ্য আচরণ ও সেবা পাওয়ার ব্যাপারে লোরেনার স্বপ্ন পূরণ করতে কখনো হাল ছেড়ে দেননি, সেসব অ্যাডভোকেটদের আমি ধন্যবাদ জানাতে চাই।"

**অ্যাসেম্বলি সদস্য জেসিকা গঞ্জালেস-রোজাস বলেন,** "যখন এই দেশে কুইয়ার, ট্রান্সজেন্ডার, লিঙ্গ অনিশ্চিত, ও নন-বাইনারি ব্যক্তিদের মানবাধিকার ছিনিয়ে নেওয়া হচ্ছে, তখন পদক্ষেপ গ্রহণ ও আশার জন্য জাতি নিউ ইয়র্কের মতো স্টেটগুলোর দিকে তাকিয়ে আছে। আর একারণে আজ লিঙ্গ অন্তর্ভুক্তিমূলক ব্যালট আইন স্বাক্ষরিত হওয়ার আমি রোমাঞ্চিত বোধ করছি। কমিউনিটিগুলোর অধিকার ছিনিয়ে নেওয়ার এই সময়ে, আমার বিল

নন-বাইনারি লোকজনের কোনো রাজনৈতিক দলের পদগুলোতে নির্বাচিত হওয়ার এবং নির্বাচিত পদগুলোতে অর্থপূর্ণভাবে সম্পৃক্ত হওয়ার সুযোগ করে দেওয়ার মাধ্যমে ক্ষমতা অর্জন করতে সাহায্য করবে। এই দিনটি নিয়ে আসতে যারা লড়াই করে গিয়েছেন আমি সেসব অ্যাডভোকেটদের সবাইকে ধন্যবাদ জানাতে চাই। আমি এই বিষয়ে অংশীদারিত্বের জন্য সিনেটর মায়েরির প্রতি, এটি এগিয়ে নিতে সাহায্য করার জন্য স্পিকার হিয়েস্টির প্রতি, এবং এটিকে স্বাক্ষর করে আইনে পরিণত করায় গভর্নর হোকলের প্রতি কৃতজ্ঞ। চলমান সব প্রতিবন্ধকতা সত্ত্বেও, এই পদক্ষেপ আমাদের সামনে এগিয়ে যেতে, আমাদের LGBTQIA কমিউনিটিকে সমৃদ্ধ করতে, এবং নিউ ইয়র্কে সমতার প্রতি আমাদের অঙ্গীকারাবদ্ধতার ব্যাপারে সত্যিকার অর্থে গর্ব বোধ করতে সাহায্য করবে।"

LGBTQ+ প্রাইড মাসের স্বীকৃতিস্বরূপ 23 জুন থেকে 30 জুন পর্যন্ত স্টেটের বিখ্যাত স্থানগুলো আলোকিত করা হবে, যেগুলোর মধ্যে রয়েছে:

- ওয়ান ওয়ার্ল্ড ট্রেড সেন্টার (One World Trade Center)
- গভর্নর মারিও এম. কুওমো ব্রিজ (Mario M. Cuomo Bridge)
- কস্কুইজকো ব্রিজ (Kosciuszko Bridge)
- এইচ. কার্ল ম্যাককল সানি বিল্ডিং (H. Carl McCall SUNY Building)
- রাষ্ট্রীয় শিক্ষা ভবন (State Education Building)
- আলফ্রেড ই. স্মিথ স্টেট অফিস ভবন (Alfred E. Smith State Office Building)
- এম্পায়ার স্টেট প্লাজা (Empire State Plaza)
- স্টেট ফেয়ারগ্রাউন্ডস - প্রধান গেট ও এক্সপো সেন্টার
- ন্যায়াগ্রা জলপ্রপাত (Niagara Falls)
- "ফ্রাঙ্কলিন ডেলানো রুজভেল্ট" মধ্য-হাডসন ব্রিজ ("Franklin D. Roosevelt" Mid-Hudson Bridge)
- গ্র্যান্ড সেন্ট্রাল টার্মিনাল (Grand Central Terminal) - পারশিং স্ট্রয় ভায়াডাক্ট
- অ্যালবানি আন্তর্জাতিক বিমানবন্দর গেটওয়ে (Albany International Airport Gateway)
- লেক প্লাসিড অলিম্পিক জাম্পিং কমপ্লেক্স (The Lake Placid Olympic Jumping Complex)
- MTA LIRR - ইস্ট এন্ড গেটওয়ে যা পেন স্টেশনে আছে

23 জুন, 25 ও 26 জুন, 28 জুন ও 30 জুন তারিখে বিখ্যাত স্থানগুলো রংধনু পতাকার রঙে আলোকিত করা হবে। অন্য সব দিনে ট্রান্সজেন্ডার ফ্ল্যাগের রঙে আলোকিত করা হবে।

গত মাসে, গভর্নর হোকল [ঘোষণা করেছেন](#) যে নিউ ইয়র্কবাসী এখন স্টেটজুড়ে যানবাহন বিভাগের (Department of Motor Vehicle) অফিসগুলোতে তাদের ড্রাইভিং লাইসেন্স, লার্নার পারমিট, বা নন-ড্রাইভার আইডি কার্ডে লিঙ্গের চিহ্ন হিসেবে "X" বেছে নিতে পারবেন। নিউ ইয়র্কের জেন্ডার রিকগনিশন অ্যাক্ট (Gender Recognition Act) অনুযায়ী এই পরিবর্তন বাস্তবায়ন করা হয়েছে, যা ট্রান্সজেন্ডার ও নন-বাইনারি নিউ ইয়র্কবাসীদের জন্য সম্প্রসারিত সুরক্ষা প্রদান করা একটি মাইলফলক আইন। DMV-তে এই পরিবর্তনের মাধ্যমে লোকজনের

জন্য তাদের পরিচয়ের প্রতিফলন ঘটাতে তাদের নাম পরিবর্তন করা, তাদের লিঙ্গ পরিচয় পরিবর্তন করা, এবং তাদের জন্মসনদ পরিবর্তন করা সহজতর করা হয়েছে।

2023 অর্থবছরের জন্য প্রণীত স্টেট বাজেটে গভর্নর হোকলের LGBTQ+ সমতার জন্য বৃহৎ [অগ্রগতিসমূহ](#) অর্জনের জন্য লড়াই করা এবং সেগুলো অর্জন করার পরে এসব ঘোষণা দেওয়া হলো। এই বাজেটে LGBTQ+ কমিউনিটিকে সহায়তা প্রদান করতে স্বাস্থ্য বিভাগের (Department of Health) জন্য 13.5 মিলিয়ন ডলার বরাদ্দ করা হয়েছে এবং LGBTQ+ স্বাস্থ্য ও মানবসেবা তহবিলের বার্ষিক পরিমাণ দ্বিগুণেরও বেশিতে উন্নীত করা হয়েছে। সেইসাথে, এই বাজেটে স্টেট পর্যায়ের সংস্থাগুলোর জন্য জেন্ডার বা লিঙ্গ সংক্রান্ত তথ্য সংগ্রহ করা হয়ে থাকে এমন সব স্টেট ফরমে ব্যক্তিদের নিজেদের জেন্ডার বা লিঙ্গ চিহ্নিত করার জন্য নন-বাইনারি "X" অপশনটি অন্তর্ভুক্ত করার বিষয়টি আবশ্যিক করে আইন অন্তর্ভুক্ত করা হয়েছে। সংস্থাগুলোর জন্য ডাটা সংগ্রহের ক্ষেত্রেও সেই তথ্য অন্তর্ভুক্ত করা আবশ্যিক হবে। এছাড়াও এই বাজেটে ট্রান্সজেন্ডার নিউ ইয়র্কবাসীদের ম্যারেজ সার্টিফিকেটে তাদের পুরোনো নাম উল্লেখ না করে পরিবর্তিত নাম বা লিঙ্গ উল্লেখ করার সুযোগ রাখা হয়েছে।

**নিউ প্রাইড এজেন্ডার (New Pride Agenda) এক্সিকিউটিভ ডিরেক্টর এলিসা ক্রেসপো বলেন,** "লোরেনা বোরজাস ট্রান্স এন্ড নন-বাইনারি ওয়েলনেস এন্ড ইকুইটি ফান্ডকে স্বাক্ষর করে আইনে পরিণত করার মাধ্যমে নিউ ইয়র্কের ট্রান্স নেতৃত্বাধীন সংস্থাগুলোতে 3 মিলিয়ন ডলারের একটি বিনিয়োগ তৈরি করার এই দিনটি আমাদের জন্য সত্যিকার অর্থেই একটি ঐতিহাসিক দিন। এই তহবিলের জন্য সমর্থনের ক্ষেত্রে সবসময় আমাদের লক্ষ্য ছিল নতুন ও উদীয়মান ট্রান্স নেতৃত্বকে বেড়ে উঠার পরিবেশ দেওয়া এবং এই তহবিল ঠিক সে কাজটিই করবে। আরো গুরুত্বপূর্ণ ব্যাপার হলো, ইতিহাসে প্রথমবারের মতো স্টেট বাজেটে ট্রান্স নিউ ইয়র্কবাসীদের স্বীকৃতি দেওয়া হচ্ছে এবং এই বিষয়টি উদযাপন করার দাবি রাখে। এই বিলটিতে স্বাক্ষর করে আইনে পরিণত করায় আমরা গভর্নর হোকলকে ধন্যবাদ জানাই।"

**ইকুয়ালিটি নিউ ইয়র্ক (Equality New York)-এর এক্সিকিউটিভ ডিরেক্টর আমান্ডা বেবিন বলেন,** "যদিও এই মাসে পুরো স্টেট জুড়ে LGBTQ+ কমিউনিটি এবং আমাদের অধিকার ও দৃষ্টিগোচরতার উপর আক্রমণের ঘটনা ঘটেছে, আমাদের সৌভাগ্য যে আমরা গভর্নর হোকলের মত একজন নেতা ও মিত্র পেয়েছি। এই জীবন রক্ষাকারী বিলগুলো স্বাক্ষর করার মধ্য দিয়ে তিনি অব্যাহতভাবে তার প্রাইড ও অংশীদারিত্ব দেখিয়ে যাচ্ছেন।"

**SAGE CEO মাইকেল অ্যাডামস বলেন,** "গভর্নর হোকল এই বিলটি স্বাক্ষর করে আইনে পরিণত করেছেন দেখে SAGE রোমাঞ্চিত, যে আইনটি নিউ ইয়র্কে LGBTQ+ প্রবীণ এবং HIV নিয়ে বসবাসকারী বয়স্ক ব্যক্তিদের সবচেয়ে বেশি সামাজিক চাহিদাসম্পন্ন জনগোষ্ঠী হিসেবে নির্ধারণ করেছে। এই আইনটি সব বয়স্ক LGBTQ+ এবং HIV+ নিউ ইয়র্কবাসীদের তাদের প্রাপ্য মর্যাদা ও সহায়তা সঙ্গে নিয়ে বয়স বৃদ্ধির জন্য প্রয়োজনীয় পরিষেবাগুলো অ্যাক্সেস করতে পারার বিষয়টি নিশ্চিত করতে সাহায্য করবে। এই বিলটি স্বাক্ষর করে আইনে পরিণত করায় আমরা গভর্নর হোকলকে ধন্যবাদ জানাই এবং এই আইন পাশ করার ক্ষেত্রে সিনেটর ব্র্যাড হলিম্যান, অ্যাসেসম্বলি সদস্য হ্যারি ব্রনসন, এবং নিউ ইয়র্ক স্টেটের আইনপ্রণেতাদের নেতৃত্বের

প্রশংসা করি। আজ আমরা LGBTQ+ প্রবীণদের পূর্ণ অন্তর্ভুক্তি ও সমতার দিকে একটি গুরুত্বপূর্ণ পদক্ষেপ গ্রহণ করছি।"

**ডেস্টিনেশন টুমরো (Destination Tomorrow)-এর এক্সিকিউটিভ ডিরেক্টর সিয়ান কোলম্যান বলেন,** "লোরেনা বোরজাস ট্রান্স ওয়েলনেস এন্ড ইকুইটি ফান্ড সব TGNC নিউ ইয়র্কবাসীর জন্য তারা স্টেটের কোন অংশে বাস করছেন তা নির্বিশেষে নিরাপদ, স্বস্তিকর পরিষেবাগুলোর অ্যাক্সেস পাওয়া নিশ্চিত করতে সার্বিক কার্যক্রমের একটি অতি গুরুত্বপূর্ণ অংশ। এসব অগ্রগতির কেন্দ্রস্থলে আমাদের কুইয়ার ও ট্রান্স অশ্বেতাঙ্গ ভাই-বোনদের নিয়ে আরো বেশি অন্তর্ভুক্তিমূলক কমিউনিটি তৈরির পথ প্রশস্ত করতে তার অব্যাহত নেতৃত্ব ও অঙ্গীকারাবদ্ধতার জন্য গভর্নর হোকলকে ধন্যবাদ।"

**নিউ ইয়র্ক সিটির LGBT কমিউনিটি সেন্টারের (LGBT Community Center)**

**এক্সিকিউটিভ ডিরেক্টর গ্লেন্ডা টেস্টোন বলেন,** "এমন এক সময়ে যখন আমরা দেশ জুড়ে LGBTQ অধিকারের দীর্ঘদিন ধরে চলে আসা সুরক্ষা ছিনিয়ে নেওয়া এবং রীতিমতো আক্রমণ চালানোর ঘটনা প্রত্যক্ষ করছি, সে সময়ে নিউ ইয়র্ক স্টেট আমাদের কমিউনিটিগুলোর পূর্ণাঙ্গ সহায়তা পাওয়া, নিরাপদ ও স্বস্তিতে থাকা নিশ্চিত করতে প্রয়োজনীয় পদক্ষেপ গ্রহণ করছে দেখে আমরা উৎসাহ অনুভব করছি। আমরা সরাসরি TGNCNBI নিউ ইয়র্কবাসীদের সহায়তা করার জন্য গভর্নর হোকলের ঐতিহাসিক বিনিয়োগ, LGBTQ নিউ ইয়র্কবাসীদের তাদের প্রাপ্য মর্যাদা ও সম্মানের সঙ্গে বৃদ্ধ বয়সে পদার্পণ করার সুযোগ করে দিবে এমন অন্তর্ভুক্তিমূলক প্রচেষ্টা এগিয়ে নেওয়ার জন্য অব্যাহত অঙ্গীকারাবদ্ধতা, এবং সেইসাথে আমাদের স্টেটের নীতিমালা ও সমাজ যেন আমাদের মনুষ্যত্বকে স্বীকার করে নেয় সেজন্য সব LGBTQ ব্যক্তির জন্য দৃষ্টিগোচরতা ও স্বীকৃতি নিশ্চিত করার বিষয়টির প্রশংসা করি।"

**এমিলিয়া ডি-কউডিন বলেন,** "এই গুরুত্বপূর্ণ আইনটি সমাপ্তি পর্যন্ত নিয়ে আসতে সাহায্য করার জন্য আমি গভর্নর হোকল, অ্যাসেম্বলি সদস্য গঞ্জালেস-রোজাস, ও সিনেটর মাইরির প্রতি অত্যন্ত কৃতজ্ঞ। কয়েক দশক ধরে, নন-বাইনারি নিউ ইয়র্কবাসীরা আমাদের স্টেটের রাজনৈতিক অংশগ্রহণের সবচেয়ে মৌলিক ধরন থেকে আইনত বাইরে থেকেছেন। লিঙ্গ অন্তর্ভুক্তিমূলক ব্যালট আইন স্বাক্ষরিত হওয়ার মধ্য দিয়ে আজ এর ইতি ঘটছে।"

###

আরো সংবাদ পাওয়া যাবে এখানে [www.governor.ny.gov](http://www.governor.ny.gov) -এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্কাইব করুন](#)